

PM: Praktikkan kempen pencegahan jenayah

Um - 17/3/2006

KUALA LUMPUR 16 Mac - Datuk Seri Abdullah Ahmad Badawi menegur masyarakat yang tidak mempraktikkan kempen pencegahan jenayah sehingga menyebabkan peluang melakukan jenayah terbuka luas.

Perdana Menteri berkata, masyarakat di negara ini juga kurang kesedaran terhadap ancaman keselamatan atau perlakuan jenayah dalam kehidupan seharian mereka.

"Banyak kempen pencegahan jenayah yang dianjurkan polis tidak dipraktikkan oleh masyarakat menyebabkan peluang melakukan jenayah terbuka luas," kata beliau dalam jawapan bertulis kepada soalan **Chong Eng (DAP-Bukit Mertajam)** pada Persidangan Dewan Rakyat di sini hari ini.

Chong Eng meminta Abdullah menyatakan halangan dialami polis dalam usa-

ha membanteras jenayah.

Abdullah yang juga Menteri Keselamatan Dalam Negeri berkata, terdapat individu menjadikan kegiatan jenayah sebagai sumber pendapatan walaupun telah beberapa kali ditangkap oleh polis.

Kebanyakan mereka yang terlibat dalam kegiatan haram ini berselindung di sebalik perniagaan yang kelihatan bersih dan halal dari segi undang-undang, katanya.

Berhubung gejala sosial, beliau berkata, polis terpaksa menggunakan pendekatan terbaik menanganinya supaya segala tindakan diambil tidak menunjukkan sebagai antisosial.

Perdana Menteri berkata, sebarang usaha membanteras perlakuan jenayah di kalangan generasi muda yang tercetus ekoran peningkatan gejala sosial dalam masyarakat, mestilah dilakukan dengan

Terdapat individu menjadikan kegiatan jenayah sebagai sumber pendapatan walaupun telah beberapa kali ditangkap oleh polis

ABDULLAH AHMAD BADAWI
Perdana Menteri

berhati-hati.

"Penyalahgunaan dadah, pengambilan alkohol berlebihan, perlakuan seks bebas, kemunculan cakera padat video (VCD) dan cakera video digital (DVD) lucuh di pasaran serta pengaruh negatif Internet dan media massa, telah menyumbang kepada keruntuhan akhlak dan peningkatan perlakuan jenayah di kalangan generasi muda.

"Ini memerlukan polis memikirkan pelbagai pendekatan terbaik supaya tindakan diambil tidak menunjukkan sebagai antisosial," katanya.

Beliau berkata, pertambahan pendu-

duk di bandar-bandar besar dan kemunculan bandar baru telah mewujudkan nisbah polis dan penduduk yang amat besar perbezaannya.

"Misalnya kepadatan penduduk daerah Johor Bahru adalah seramai 1.9 juta orang berbanding jumlah anggota polis yang hanya seramai 359 orang," katanya.

Tambah Abdullah, angka itu menjadikan nisbah anggota polis berbanding penduduk ialah seorang polis untuk 5,302 penduduk dan ini menyukarkan PDRM untuk mengambil tindakan dan mencegah jenayah dengan lebih berkesan.